



SAOPŠTENJE ZA JAVNOST

Osam godina zatvora za Senada Pekića zbog ratnog zločina protiv civilnog stanovništva

(Brčko, 23.06.2025. godine)

Osnovni sud Brčko distrikta BiH objavio je, dana 20. juna 2025.godine, prvostepenu presudu kojom optuženog Senada Pekića iz Brčkog oglašava krivim i osuđuje na kaznu zatvora u trajanju od 8 (osam) godina zbog učinjenja krivičnog djela ratnog zločina protiv civilnog stanovništva u mjestu Mali Bukvik u mjesecu septembru 1992. godine.

Podsjetimo, Tužilaštvo Brčko distrikta BiH je krajem 2023. godine podiglo optužnicu protiv Senada Pekića iz Brčkog zbog osnovane sumnje da je za vrijeme oružanog sukoba u BiH, kao komandir II voda V čete I bataljona u 108. brigadi HVO-a u toku vojne akcije u mjestu Mali Bukvik, počinio krivično djelo ratnog zločina protiv civilnog stanovništva. U načinu izvršenja ovog krivičnog djela optuženom se stavlja na teret da je dana 15. septembra 1992. godine u približno 11 sati u saizvršilaštvu sa NN licem došao do civila srpske nacionalnosti koji su uzvikivali da se predaju, i iz skupine civila izdvojili braću G.R. i C.R., a zatim i K.I., te iz neposredne blizine iz vojnog vatrenog oružja pucali u njih svjesni da će ih lišiti života.

U objavljenj presudi, Osnovni sud Brčko distrikta BiH oglasio je krivim imenovanog Senada Pekića za krivično djelo ratnog zločina ubistva civila braće G.R. i C.R., te na osnovu utvrđene krivične odgovornosti nepravosnažno ga osudio na kaznu zatvora u trajanju od 8 (osam) godina i obavezao na plaćanje troškova krivičnog postupka.

Nakon prijema pisanog otpravka predmetne presude, Tužilaštvo Brčko distrikta BiH biti će u prilici u ovom krivičnom predmetu objaviti opširnije pisano saopštenje za javnost.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**